

疆
邦
華
夏

履齋先生詩餘別集卷二

寧國 吳潛 毅父

浣溪沙 己未元夕

慶賞元宵只願情天公每事秤能平管教檐溜便收聲
三市海巡那惜夜九街社火亦爭名權將歌酒作工
程

又和謙山

春岸春風荻已芽推排春事到蘆花只應推上鬢邊華
拋老未歸真左計久陰得霽且舒懷紅紅白白有殘
葩

又再用韻

海棠已綻牡丹芽猶有東君向上花不須惆悵怨春華
裝綴園林新景物推敲風月舊情懷也饒浪蕊與浮葩

又三用韻

正好江鄉筍蕨芽他鄉卻看擔頭花只將蝶夢付南華
萬事紛紜都入幻一杯邂逅且忘懷年年秋卉與春葩

又四用韻

雨過池塘水長芽放開晴日正宜花十洲三島撰繁華
水畔麗人唐客恨山陰佳客晉人懷可憐雲蕊與風葩

又己未三月二十五日賞茶蘼

最好茶蘼白閒黃消他蜂蝶采花忙春殘紅粉厭梳妝
畢卓正思身夜甕劉章底用令秋霜今宵幃枕十分香

又再賦

宮額新塗一半黃薔薇空自效顰忙澹然風韻道家妝
可惜今宵無皓月尙憐向曉有繁霜何妨手撚一枝香

海棠春己未清明對海棠有賦

海棠亭午沾疏雨便一餉胭脂盡吐老去惜花心相對
花無語羽書萬里飛來處報掃蕩狐兔舞濯錦古

江頭飛景還如許

又再用韻

嫩晴還更宜輕雨最好處欲開未吐一點聘梅心千古
憑誰語 臉霞暈錦嬌人處肯浪逐紅圍翠舞銀燭莫
高燒春夢無多許

又三用韻

蒼龍天矯停今雨正不待雲吞霧吐絕笑大夫松今古
閒言語 清光冷豔侵人處漏月影婆娑自舞擬作歲
寒人此願天應許

霜天曉角和葉檢閱仁叔韻

倚花傍月花底歌聲徹最好月篩花影花月浸香奇絕

雙溪秋月潔桂棹何時發客裏明朝送客多少事且
休說

又

此花此月一段風流徹更好參橫斗轉更漏斷人聲絕
有誰秋共潔籬菊相將發留取歲寒心事待此際向
君說

又和劉架閣自昭韻

杯中吸月桂樹飛瓊屑莫道胡牀老子怕風露向淒冽
回首雲娥折老大成癡絕且醉今宵光景莫容易向
人說

又

爲花問月誰把金瑰屑猶有殘英賸蕊秋向老香逾冽
且莫都攀折有箇人愁絕縱使姮娥念舊星星鬢如
何說

又和趙教授韻

新詞唱徹字字珠璣屑更有張顛草聖何止是成雙絕
金粟如霏雪掃地爲芳席且令諸公一笑怕明夜無

此月

又

小山幽徹徧地堆香雪只恐今宵入夢夢到處魂孤絕
八公頭已雪淮南分半席莫道淹留何事且長嘯對
佳月

又戊午十二月望安晚園賦梅上銀燭

梅花一簇花上千枝燭照出靚妝姿態看不足詠不足
便欲和花宿卻被官身局借問江南歸未今夜夢難
拘束

又己未五月九日老香堂送監簿姪歸和自昭韻

夜涼佳月掃盡輕衫熱便欲乘風歸去冰玉界瓊林闕
不須持寸鐵孤吟風措別且唱東坡水調清露下滿
襟雪

又再和

舉杯吸月一洗煩襟熱想見摩訶池上星斗轉挂銀闕
金吾傳漏鐵此時滋味別階砌寒蛩聲細攜手處人

如雪

蝶戀花和處靜木香

澹白輕黃純雅素一段風流敲枕疏窗戶夜半香魂飛
欲去伴他月裏霓裳舞消得留春春且住不比楊花
輕作沾泥絮況是環陰成幄處不愁更被紅妝妒

朝中措和自昭韻

春空一鳥落雲干只遣客心酸芍藥牡丹時候午窗輕
暖輕寒流光冉冉清尊易倒青鏡難看謾道華堂深
院誰憐鳳隻鸞單

又再用韻

可人想見倚庭干嚼句有甘酸休問沈腰潘鬢何妨烏

瘦郊寒 時光轉眼
兔葵燕麥又是看看
誰念衰翁衰處春衫
晚際尤單

又三用韻

楊花撩亂與雲干
春事可悲酸況是雨荒院落江南
但有春寒鶯殘燕懶蜂慵蝶褪
謾等閒看不是無情描貌
奚奴且放安單

又四用韻

夜來夢繞宛溪干
啼鴂夢中酸過了他鄉寒食
白鷗剗地盟寒雲溪雨
壑月臺風榭借與人看得似
野僧無繫孤藤杖底挑單

又五用韻戲呈

蘭皋徹夜樹旄干戰渴望梅酸想有歌姬半臂更深自
可麝寒敲門寄曲驚回蝶夢旋篝燈看壇下已收降
將火牛不用田單

又老香堂和劉自昭韻

衰翁老大腳猶輕行到淨涼亭近日方憂多雨連朝且
喜長晴謾尋歡笑翠濤杯滿金縷歌清況有蘭朋竹
友柳詞賀句爭鳴

虞美人和劉制幾舟中送監簿韻

東風催客呼前渡宿鳥投林暮欲歸人送得歸人萬疊
青山羅列是愁城誰家臺榭當年築芳草垂楊綠雲
深霧暗不須悲只緣盈虛消息少人知

洞仙歌

又

殘萼都收歸簞枕誰道
梔囊敢就月邊偏愛惜
冰玉深碎蕊

肌膚應對姁娥共搔首疑怪得中原訛道天花胡塵後
可堪懷舊且海國浮沈醉花心喜近日烽煙漸消亭候
又三用韻

冠兒徧簇那時人消瘦玉斚瓊卮勸君酒是清涼境界
露溼煙凝香更重非是沈檀合就四窗花滿砌爭似
家山橙蟹將肥重回首花亦爲君憐草木禽魚相思處
莫如鄉舊更西風溪尊與江鱸想別墅樵漁費他偵候
小重山已未六月十四日老香堂前月臺玩月
碧霄如水月如鉦今宵知爲我特分明冰壺玉界兩三
星清露下漸覺溼衣輕高樹點流螢秋聲還又動客
心驚吾家水月寄昭亭歸去也天豈太無情

醉桃源

東風闌檻兩三亭遊人步晚晴蜂回蝶轉得能輕忽然
春意生花未老酒須傾勸君休獨醒古來我輩最鍾
情舉頭百舌聲

青玉案己未三月六日四明窗會客

流芳只怕春無幾拚夜飲更纔二不用追他歡樂事綺
窗朱戶燕帷鶯館多少人顚顚踏歌夢想江南市管
春盡扁舟放行李寒食休傾遊子淚歸去來兮不如歸
去鐵定知今是

點絳脣己未三月末醉木香亭賦

岸艤扁舟江南有箇人歸老簇新亭沼分付還他了

凝竚晴空一抹天邊鳥嗟涼倒去多來少莫問鐘昏曉

清平樂

和劉制幾

輕輕卻暑只是些兒雨喜看新抽麻與苧他家煙水墅
晚山放出青青是誰簸弄陰晴老子何時去也祇應
露溼金莖

漁家傲

和劉制幾

每日困慵當午晝出來便解雙眉皺一帶朦朧煙雨岫
山翁瘦林泉縱好他園囿一見此君如話舊玉版老
師呼喚候萬立琅玕爭勸酒躊躇久清風收拾歸懷袖
又再用前韻

徧閱芳園閒半晝殘花尙有榴裙皺倦鳥投林雲返岫

人影瘦可憐身世爲他囿
燕子飛來還憶舊回頭又
是梅黃候且盡一杯昌歎酒
凝睇久晚風細雨沾衫袖
柳梢青戊午十二月十五日
安晚園和劉自昭

綠野平泉古來人事空裏飛
花月榭風亭荷漪蘚石說
鄭公家老梅傍水茶牙人
那得光陰似他萬種思量
百年倒斷付與殘霞
又已未元夕

好把元宵良辰美景暮暮朝
朝萬瓊華燈一輪明月燕
管秦簫何人帕墜鮫綃有
玉鳳金鸞繡雕目下歡娛
眼前煩惱只在今宵

賀聖朝己未三月六日